

ԿԱՌԱՎԱՐՈՒԹՅԱՆ ՆԻՍՏ

ՎԱՐՉԱՊԵՏԻ ՈՐՈՇՈՒՄԸ ՖԻԶԻԿԱԿԱՆ ԱՆՁԱՆՅՈՒՆԻ  
ՀԱՐԿԱՅԻՆ ԴԱՐՏՔԵՐԻ ԵՎ ԿՈՒՏԱԿՎԱԾ  
ՏՈՒՓԱՆՔՆԵՐԻ ԶԵՂԱՐԿՄԱՆ, ԹԲԻԼԻՍԻԻ ՆՈՐ  
ՕԴԱՆԱՎԱԿԱՅԱՆԻ ՇԻՆԱՐԱՐՈՒԹՅԱՆ ՄԱՍԻՆ

Ապրիլի 8-ին, Վրաստանի վարչապետ Իրակլի Կոբախիձեի նախագահությամբ, անցկացվեց երկրի կառավարության հերթական նիստը: Իրակլի Կոբախիձեն անդրադարձավ նիստի օրակարգին, մասնավորապես՝ հանրության համար առավել հրատապ հարցերին, ներկայացրեց դրանց կարգավորման տեսլականը:

ԹԲԻԼԻՍԻՈՒՄ  
ԿԿԱՌՈՒՑՎԻ ՆՈՐ  
ՕԴԱՆԱՎԱԿԱՅԱՆ

Վրաստանի կառավարության նիստին՝ երկրի վարչապետ Իրակլի Կոբախիձեն բարձրաձայնեց կառավարության որոշումը, ըստ որի՝ Թբիլիսիում կկառուցվի նոր օդանավակայան, որի նախագծի արժեքը կազմում է



1,26 մլրդ դոլար:  
- Երեկ տեղի ունեցավ Տնտեսական խորհրդի (Շարունակությունը՝ 4-րդ էջում)

ԴԻՐՔՈՐՈՇՈՒՄ

«ԹԱՓԱՆՑԻԿՈՒԹՅԱՆ ՄԱՍԻՆ» ՕՐԵՆՔԻ  
ԸՆԴՈՒՆՈՒՄԸ ԱՌԱՎԵԼ ՔԱՆ ԱՐԴԱՐԱՑՎԱԾ Է

Ապրիլի 8-ին, Վրաստանի կառավարության նիստում, վարչապետ Իրակլի Կոբախիձեն, անդրադարձնելով «Օտարերկրյա ազդեցության թափանցիկության մասին» օրենքի շուրջ ծավալվող իրադարձություններին, հայտարարեց, որ նման օրենքի ընդունումը լրիվությամբ արդարացված է:

- Անձամբ իմ դիրքորոշումը այդ օրենքի կրկնական առաջադրման հարցով վավերացվել է: Հարկ եմ համարում նշել, որ ժողովրդական հասարակությունում թափանցիկությունն այլընտրանք չունի: Տվյալ օրինադրությունը լրիվությամբ արդարացի է: Այն



նախատեսում է ֆինանսավորման եւ գումարը ծախսելու տարեկան հաշվետվություն՝ ոչ կառավարական կազմակերպությունների, համապատասխան լրատվամիջոցների կողմից, հայտարարեց վարչապետը՝ հավելելով, որ անցյալ տարի ընդդիմությունը կարողացավ հանրության զգալի հատվածը (Շարունակությունը՝ 4-րդ էջում)

ՎՐԱՍՏԱՆ-ՀԱՅԱՍՏԱՆ

ՀԱՆՐԱՅԻՆ ՏԵՂԵԿԱՏՎԱԿԱՆ ԾԱՌԱՅՈՒԹՅՈՒՆՆԵՐԸ  
ՆԱԽԱՏԵՍՈՒՄ ԵՆ ՀԱՄԱՏԵՂ ԾՐԱԳՐԵՐ

Ապրիլի 10-ին, Թբիլիսիում, Վրաստանի ԱԳ նախարարության տեղեկատվության եւ հասարակայնության հետ կապերի գլխավոր վարչության եւ Հայաստանի ԱԳ նախարարության լրատվության եւ հանրային դիվանագիտության գլխավոր վարչության միջև անցկացվեցին խորհրդակցություններ:

Հանդիպմանը քննարկվեցին լրատվության եւ հանրային դիվանագիտության շրջանակներում, համագործակցության մի շարք հարցեր: Անդրադարձ կատարվեց համատեղ ծրագրերի եւ ընթացիկ իրադարձություն-



ների վերաբերյալ հանրային իրազեկվածության բարձրացման ուղղված քայլերին:

ԱՊՐԻԼԻ 9-Ը՝ ԱԶԳԱՅԻՆ ՄԻԱՍՆՈՒԹՅԱՆ ՕՐ

... ԵՐԲ ՄԻԱԽԱՌՆՎՈՒՄ ԵՆ  
ՏԽՐՈՒԹՅԱՆ ԵՎ ՈՒՐԱԽՈՒԹՅԱՆ  
ԱՐՅՈՒՆՔՆԵՐԸ

Ապրիլի 9-ի ողբերգությունից անցել է 35 տարի: 1989 թվականի նույն օրը, վաղ առավոտյան, խորհրդային Միության զինված ուժերի ստորաբաժանումները, Թբիլիսիի կենտրոնում, խորհրդարանի շենքի մոտ, ցրեցին խաղաղ բողոքի ցույցը, որը հանգեցրեց մարդկային զոհերի՝ զոհվեց 21 մարդ, հարյուրավոր քաղաքացիներ թունավորվեցին՝ անհայտ բաղադրության շմոլ գազից:



Ավելի ուշ, 1991 թվականի ապրիլի 9-ին, Գերագույն խորհուրդը հայտարարեց Վրաստանի պետական անկախության վերականգնման մասին:

Ապրիլի 9-ը Վրաստանի նորագույն պատմության մեջ զրանցվեց՝ որպես ողբերգության, միաժամանակ, Վրաստանի անկախության վերականգնման օր: Այս տարի եւս, ապրիլի 9-ին,

Վրաստանի վարչապետ Իրակլի Կոբախիձեն, կառավարության անդամները եւ խորհրդարանի պատգամավորները ծաղկեպսակ դրեցին Թբիլիսիում, Ռուսթավելիի պողոտայում տեղակայված Ապրիլի 9-ի զոհերի հուշակոթողի մոտ՝ հարգանքի տուրք մատուցելով հանուն անկախության զոհվածների հիշատակին:

ՀԱՅԱՍՏԱՆԻ ԴԵՄՊԱՆԸ ԾԱՂԻԿՆԵՐ ԽՈՆԱՐՇԵՅ  
ԱՊՐԻԼԻ 9-Ի ՉՈՂԵՐԻ ՀԻՇԱՏԱԿԻՆ

Ապրիլի 9-ին, Վրաստանում Հայաստանի արտակարգ եւ լիազոր դեսպան Աշոտ Ամբարիումը բերեց 1989 թվականի ապրիլի 9-ին Վրաստանի անկախության համար զոհերի հիշատակին:

Դեսպանը ծաղիկներ խոնարհեց Վրաստանի խորհրդարանի շենքի դիմաց՝ Ռուսթավելիի պողոտայում կանգնեցված Ապրիլի 9-ի զոհերի հուշակոթողի մոտ:



ԾԱՂԻԿԵՂՍԱԿ ԱՊՐԻԼԻ 9-Ի ՉՈՂԵՐԻ  
ՀԻՇԱՏԱԿԻՆ՝ ՎԻՐԱՀԱՅՈՑ ԹԵՄԻ ԵՎ  
ԹԲԻԼԻՍԱՀԱՅՏԵՐԻ ԱՆՈՒՆԻՅ

Ապրիլի 9-ին, Վիրահայոց թեմի առաջնորդ Ս. Կիրակոս եպիսկոպոս Դավթյանի օրհնությամբ եւ Ս. Կիրակոս քահանա Սիմոնյանի առաջնորդությամբ Թբիլիսիի հայ համայնքի ներկայացուցիչները Վրաստանի խորհրդարանի շենքի դիմաց կանգնեցված Ապրիլի 9-ի հուշակոթողի մոտ ծաղկեպսակ զետեղեցին՝ հար-

գանքի տուրք մատուցելով անմեղ զոհերի հիշատակին:  
Նույն օրվա առավոտյան, Վիրահայոց թեմի Հավաքարի Սուրբ Էջմիածին եկեղեցում, Ս. Կիրակոս քահանա Սիմոնյանը կատարեց հոգեհանգստյան կարգ՝ Ապրիլի 9-ի զոհերի հոգիների խաղաղության համար:  
(Շարունակությունը՝ 2-րդ էջում)

ԱՅՑ

# ՎՐԱՍՏԱՆԻ ԽՈՐՀՐԴԱՐԱՆԻ ՆԱԽԱԳԱՅԻ ՊԱՇՏՈՆԱԿԱՆ ԱՅՑԸ ՈՒՋԲԵԿԱՍԱՆ, ԹՈՒՐՔՄԵՆՍԱՆ, ՂԱԶԱԽԱՍԱՆ

Ապրիլի 7-13-ը, Վրաստանի խորհրդարանի նախագահ Շավա Պապուաշվիլին պաշտոնական այցով գտնվում էր Կենտրոնական Ասիայի տարածաշրջանում:

Այցի շրջանակներում խորհրդարանի նախագահը բարձր մակարդակի հանդիպումներ անցկացրեց Ուզբեկստանի, Թուրքմենստանի եւ Ղազախստանի օրենսդիր եւ գործադիր իշխանությունների ղեկավարների հետ:

Վրաստանի խորհրդարանի նախագահ Շավա Պապուաշվիլու գլխավորած խորհրդարանական պատվիրակության կազմում են Ղազախստանի խորհրդարանի հետ բարեկամության խմբի ղեկավար, Տարածաշրջանային քաղաքականության եւ ինքնակառավարման կոմիտեի նախագահ Կախա Կախիշվիլին, Թուրքմենստանի խորհրդարանի հետ բարեկամության խմբի ղեկավար, իրավական հարցերի հանձնաժողովի նախագահի առաջին տեղակալ Դավիթ Մաթիկաշվիլին, Ուզբեկստանի խորհրդարանի հետ բարեկամության խմբի ղեկավար, մշակույթի կոմիտեի նախագահի առաջին տեղակալ Իրակլի Մեզուրմիշվիլին, Վրաստանի խորհրդարանի



կրթության, գիտության եւ երիտասարդության հարցերի կոմիտեի փոխնախագահ Բաիա Կվիցիանին, Վրաստանի խորհրդարանի պատգամավոր, ֆինանսա-բյուջետային կոմիտեի անդամ Անտոն Օբոլաշվիլին, Վրաստանի խորհրդարանի պատգամավոր Սոֆա Սուբարին:

## ԱՌՈՂՋԱԿԱԽՈՒԹՅՈՒՆ

### 25 ՀԱԶԱՐ ԼԱՐԻ՝ ՔԻՄԻԱԾԱՌԱԳԱՅԹԱՅԻՆ ԹԵՐԱՊԻԱՅԻ ԵՎ ԱՅԼ ՀԵՏԱԶՈՏՈՒԹՅՈՒՆՆԵՐԻ ՀԱՄԱՐ

Առողջապահության նախարարության որոշմամբ, համընդհանուր առողջապահական ծրագրի շրջանակներում, ամբողջությամբ կֆինանսավորվեն քիմիաթերապիայի, հորմոնալ թերապիայի եւ իմունաթերապիայի հետ կապված դեղամիջոցները, որոնք անհրաժեշտ են ուռուցքաբանական ախտորոշմամբ հիվանդներին:

Առողջապահության փոխնախարար Թամար Գաբունիայի խոսքով՝ տարվա ընթացքում, 25000 լարիի սահմաններում, կիրականացվեն բժշկական ծառայություններ, ճառագայթային թերապիա եւ այն հետազոտությունները, որոնք հիվանդին անհրաժեշտ են բուժումը պլանավորելու եւ արդյունքները գնահատելու համար:

Ինչ վերաբերում է դեղամիջոցներին, ապա 25 հազար լարիի սահմանաչափի իաշվարկից առանձին կհամվեն ուռուցքաբանական դեղամիջոցները, որոնք նախատեսված են պետական համա-

պատասխան ծրագրով: Փոփոխությունը կվերաբերի նաեւ այն հիվանդներին, ովքեր մինչ այժմ սպառել են 25 հազար լարիի սահմանաչափը:

Ըստ Թամար Գաբունիայի՝ նշվածի արդյունքում հիվանդը հնարավորություն է ստանում՝ բուժումն ավարտին հասցնել ուղեցույցին համապատասխան: Ծրագիրը կիրականացվի համընդհանուր առողջապահական ծրագրի շրջանակներում:



## ԱՊՐԵԼԻ 9-Ը՝ ԱԶԳԱՅԻՆ ՄԻԱՍՆՈՒԹՅԱՆ ՕՐ

### ՇԱՂԵՊՍԱԿ ԱՊՐԵԼԻ 9-Ի ՉՈՂԵՐԻ ՀԻՇԱՏԱԿԻՆ՝ ՎԻՐԱՆԱՅՈՑ ԹԵՄԻ ԵՎ ԹԲԻԼԻՍԱՆԱՅԵՐԻ ԱՆՈՒՆԻՑ

(Սկզբը՝ 1-ին էջում)



Եկեղեցուն հարակից երեսնյան պուրակում՝ Ապրիլի 9-ի զոհերի հիշատակին, Հայաստանից բերված խաչքարին դրվեց ծաղկեպսակ եւ խոնարհվեցին ծաղիկներ:

### ԱՄՍԼՔԱՆՔԻ. «ԱՊՐԵԼԻ 9-Ը. ԸՆՈՐՀԱԿԱՆՈՒԹՅՈՒՆ ԱԶՏՈՒԹՅԱՆ ՀԱՄԱՐ»

Ապրիլի 9-ին, Ախալքալաքիում տեղադրված Ապրիլի 9-ի զոհերի հուշահամալիր այցելեցին Ախալքալաքիի մունիցիպալիտետի քաղաքապետ Մելքոն Մակարյանը, սակրեբուլոյի նախագահ Նաիրի Իրիցյանը, փոխքաղաքապետեր Թեյմուրազ Մեղրիկեան եւ Սկրտիչ Մղդեսյանը: Վրաց Ուղղափառ եկեղեցու Ախալքալաքի, Կոմուր-



դոյի թեմերի միտրոպոլիտ Նիկոլոզ Փաչուաշվիլին կատարեց հոգեհանգստյան կարգ:

- Ապրիլի 9-ը ողբերգական էջ է մեր երկրի պատմության մեջ, միաժամանակ անկախության եւ միասնության օր: Ապրիլի 9-ի հերոսները մեզ օրինակ ցույց տվեցին, թե ինչպես պետք է սիրել հայրենիքը: Մենք խոնարհվում ենք նրանց հիշատակի առջեւ,- հայտարարեց քաղաքապետ Մելքոն Մակարյանը:

### ՆԻՆՈՇՄԻՆՂԱ. ՇԱՂԻԿՆԵՐԻ ԽՈՆԱՐՀՄԱՄԲ ՀԱՐԳԱՆԵՐԻ ՏՈՒՐՔ՝ ԱՊՐԵԼԻ 9-Ի ՉՈՂԵՐԻ ՀԻՇԱՏԱԿԻՆ

Ապրիլի 9-ին, Նինոծմինդայում, Վրաստանի խորհրդարանի պատգամավոր Սմբատ Կյուրեղյանը, Նինոծմինդայի քաղաքապետ Անի Մոսոյանը, փոխքաղաքապետ Արմեն Բոլոյանը, սակրեբուլոյի նախագահ Վահան Արոյանը, տեղական ինքնակառավարման մարմինների ներկայացուցիչների եւ բնակիչների հետ միասին, հարգանքի տուրք մա-



տուցեցին Վրաստանի անկախության համար՝ 1989 թվականի ապրիլի 9-ին զոհված հերոսների հիշատակին: Նրանք ծաղիկներ խոնարհեցին Նինոծմինդա քաղաքի «Հայոս եւ Քարթլոս» զբոսայգում գտնվող հերոսների հուշակոթողին:

### ԱՄՍԼՃԻՄԵ. ՀԱՐԳԱՆԵՐԻ ՏՈՒՐՔ՝ ԱՊՐԵԼԻ 9-Ի ՉՈՂԵՐԻ ՀԻՇԱՏԱԿԻՆ

Ապրիլի 9-ին, Ախալքալաքիում, Սամցխե-Ջավախեթի տարածաշրջանի պետական լիազորի աշխատակազմի, տեղական ինքնակառավարման, քաղաքապետարանի երիտասարդական խորհրդի ու հանրության ներկայացուցիչները ծաղկեպսակ դրեցին



## ԵՎՐԱՄԻՈՒԹՅՈՒՆ

### 10 ՄԻԼԻԱՐԴ ԵՎՐՈ՝ ՖԵՐՄԵՐՆԵՐԻ ՎՆԱՍԻ ՓՈԽՀԱՏՈՒՑՄԱՆ ՀԱՄԱՐ

Եվրամիության երկրները 10 միլիարդ եվրո են ծախսել ֆերմերների կրած վնասները փոխհատուցելու համար, ինչի պատճառով Ուկրաինայից ներմուծվող էժան գյուղատնտեսական ապրանքներն են:

Ըստ ԵՄ երկրների եւ Եվրահանձնաժողովի միջեւ ձեռք բերված նախնական համաձայնության անմաքս ներմուծումը կսահմանափակվի թռչնամսի, ձկնի, շաքարի, վարսակի, եգիպտացորենի, սպիտակաձավարի եւ մեղրի համար:

## ԻՍՐԱՄԵԼ - ՀԱՄԱՍ

### ՈԱԶՄԱԿԱՆ ԴԻՄԱԿԱՅՈՒԹՅՈՒՆԸ ՇԱՐՈՒՆԱԿՈՒՄ Է

Իսրայելական բանակի ինքնաթիռները հարված են հասցրել՝ Գազայի հատվածի կենտրոնում գտնվող ճամբարում տեղակայված տեղական խորհրդի շենքին: Կան զոհեր, որոնց հստակ թիվը չի նշվում:

Հիշեցնենք, որ, հոկտեմբերի 7-ին, պաղեստինյան ՀԱՄԱՍ արմատական շարժման զինյալների հարձակումից հետո, Իսրայելում 1200 մարդ է զոհվել, շուրջ 250 մարդ՝ գերեվարվել: Իսրայելի պատասխան ռազմական գործողությունների ընթացքում, Գազայի հատվածում, զոհերի թիվը, ըստ տեղի իշխանությունների, գերազանցել է 33 200-ը:



Ապրիլի 9-ի հուշակոթողին:

Քաղաքի կենտրոնական զբոսայգում, հուշակոթողի մոտ հավաքվածներին խոսքով դիմեցին Ախալքալաքիի մունիցիպալիտետի քաղաքապետ Իրակլի Լազարաշվիլին, սակրեբուլոյի նախագահ Դավիթ Լոմիձեն, Սամցխե-Ջավախեթի վետերանների խորհրդի պետ՝ առաջնության ղեկավար Ջուրաբ Փարցխաշվիլին եւ ապրիլի 9-ի մասնակից Ցիալա Ջինձվելաձեն:

### ՇԱԼԿԱ. ՇԱՂԵՊՍԱԿ՝ ԱՊՐԵԼԻ 9-Ի ՉՈՂԵՐԻ ՀՈՒՇԱԿՈԹՈՂԻՆ

Ապրիլի 9-ին, Վրաստանի անկախության համար զոհվածների հիշատակը ծաղիկների խոնարհումով նշվեց Ծալկայում: Այդ օրը՝ Ապրիլի 9-ի զոհերի հուշակոթողի



մոտ այցելեցին եւ իրենց հարգանքի տուրքը մատուցեցին Ծալկայի մունիցիպալիտետի առաջին փոխքաղաքապետ Անգոր Խինկիձեն, փոխքաղաքապետեր Փեոխար Պարասկելովը եւ Էմզար Գելովանին, քաղաքապետարանի աշխատակիցները:

ԱՐԵՎԻԿԱ ՄԱՆՈՒԿՅԱՆ

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԱՎԱՆԴԱԿԱՆ

ՎՐԱՍՏԱՆԻ ՎԱՐՉԱՊԵՏԸ ՄԱՍՆԱԿՑԵՑ ՌԱՄԱԴԱՆ-ԲԱՅՐԱՄ ՏՈՆԻՆ



Տոնի կապակցությամբ՝ Վրաստանի վարչապետ Իրակլի Կոբախիձեն այցելեց Թբիլիսիի Ջուժա մզկիթ եւ շնորհա-

Ապրիլի 10-ին, մահմեդական աշխարհը նշում է ամենամեծ տոներից մեկը՝ Ռամադան-Բայրամը: Տոնը մեծ համդիսությամբ նշեցին նաեւ Վրաստանի մահմեդականները:

Վրոյեց մահմեդական համայնքին տոնի առիթով: Վարչապետը ընդգծեց Վրաստանում քրիստոնյաների եւ մահմեդականների պատմական դարավոր հարաբերությունները: - Դարեր շարունակ միասին աշխատել ենք, միասին պայքարել ենք ընդհանուր հայրենիքի բարօրության, առաջընթացի ու զարգացման համար:

Սա այն հարաբերություններն են, որոնց նկատմամբ մենք շատ ուշադիր ենք եւ զգույշ ենք լինելու նաեւ ապագայում, - նշեց Իրակլի Կոբախիձեն: Կրոնի հարցերով պետական գործակալության նախագահ Զաքա Վաշաղմաձեի խոսքով՝ պետության եւ նրա առաջին դեմքի ուշադրությունը մուսուլմանների նկատմամբ առանձնահատուկ է, եւ դա զգույշ է նաեւ մահմեդական համայնքը:



ԱՅՍ ՏԱՐԻ ՎՐԱՍՏԱՆԸ ԶԲՈՍԱՇՐՋՈՒԹՅՈՒՆԻՑ ԿՍՏԱՆԱ 4,5 ՄԻԼԻԱՐԴ ԴՈԼԱՐԻ ԵՎԱՄՈՒՏ

«Գալտ էնգ թագարդ»-ի կանխագծմամբ, այս տարի, Վրաստանը զբոսաշրջությունից կստանա 4.5 միլիարդ դոլարի եկամուտ: Ինչպես նշեցին ընկերությունում, 2024 թվականի մարտին, զբոսաշրջությունից ստացած եկամուտն ավելացել է 10,2 տոկոսով եւ՝ կազմել 305 միլիոն դոլար: Ընդհանուր առմամբ, 2024 թվականի առաջին եռամսյակում, զբոսաշրջությունից ստացվել է 879 միլիոն դոլարի եկամուտ, ինչը տարվա կտրվածքով կազմում է 10,6 տոկոսի աճ:

ՔԱՂԱՔԱՊԵՏԱՐԱՆ

ԱՊՐԻԼԻ 10-ԻՑ ՍԿՍՎԵՑ «ՍՈՎՈՐԻՐ ԵՎ ԱՇԽԱՏԻՐ» ԾՐԱԳՐԻ ՆՈՐ ՓՈԽԼԻ ԳՐԱՆՑՈՒՄԸ

Թբիլիսիի քաղաքապետ Կախա Կալաձեն բարձրաձայնեց քաղաքապետարանի նոր նախաձեռնությունը. մեկնարկում է հաջողված ծրագրի նոր փուլը՝ «Սովորի՛ր եւ աշխատի՛ր»:

Ինչպես նշեց Կախա Կալաձեն՝ զբաղվածությամբ եւ որակավորումը բարձրացնելով հետաքրքրված քաղաքացիները կկարողանան առանց վճարների անցնել համապատասխան դասընթացներ: - Երկրում աշխատատեղերի հետ կապված մարտահրավեր ունենք, կան շատ մարդիկ, ովքեր աշխատանք են փնտրում, եւ կա բիզնես հատված, որը որակյալ կադրեր է փնտրում: Մենք սկսում ենք մեր շատ հաջող ծրագրերից մեկի՝ «Սովորի՛ր եւ աշխատի՛ր» նոր փուլը: Ապրիլի 10-ից մայիսի 1-ը, շաբաթագիտ քաղաքացիները կկարողանան առանց գրանցվել՝ [www.dasakmndi.ge](http://www.dasakmndi.ge) հարթակում: Ծրագիրը նախատեսում է Թբիլիսիում գրանցված քաղաքացիների վերապատրաստում՝ աշխատուժի պահանջարկ ունե-

ցող մասնագիտությունների կարճաժամկետ մասնագիտական դասընթացների միջոցով, շուկան եւ նրանց զբաղվածության խթանումը՝ մասնավոր հատվածի հետ համագործակցությամբ: Մենք մեր համաքաղաքացիներին վերապատրաստում ենք նշված դասընթացներին առանց որեւէ վճարի, - ասաց Կախա Կալաձեն՝ հավելելով, որ այս տարի ծրագրում ավելացվել է 15 նոր ուղղություն, ինչը նշանակում է, որ քաղաքացիներին հնարավոր կլինի վերապատրաստել 65 մասնագիտություններով: Նշված դասընթացների ուսումնասիրությունները կֆինանսավորի քաղաքապետարանը: - Գործող ծրագրի շրջանակներում՝



վերապատրաստում կանցնի մինչեւ 1000 քաղաքացի: Վերջին տարիներին վերապատրաստվել է ավելի քան 9000 քաղաքացի, իսկ ուսումնական տեղերում հետո զբաղվածության մակարդակը մոտավորապես 70 տոկոս է: Մենք ունենք եւս մեկ նորություն մեր քաղաքացիների համար, նրանք, ովքեր ցանկանում են առցանց դասընթացներ անցնել եւ դրա համար չունեն հարմար վայր, քաղաքապետարանը կառաջարկի նոր վերականգնված բազմագործառնություն գրադարաններ՝ ողջ կրթական ծրագրի ընթացքում, - ասաց Կախա Կալաձեն:

ԱՆԱԼՔԱԼԱՔԻ ԳՅՈՒՂԻ ՄԱՐԶԱՊԱՇԻ ՇԻՆԱՐԱՐՈՒԹՅԱՆ ԺԱՄԱՆԱԿ ԶՈՂՎԵԼ Է ՇԻՆԱՐԱՐ

Դժբախտ պատահարի արդյունքում Կապի մունիցիպալիտետի Ախալքալաքի գյուղում մարգարաշտի շինարարության տարածքում գոհվել է մեկ շինարար: Տեղացիների խոսքով, 32-ամյա բանվորը հայտնվել է հողի զանգվածի տակ եւ նրան փրկել չի հաջողվել: Տեղի ունեցածի կապակցությամբ, ՆԳ նախարարությունն անց է կացնում հետաքննություն:

ՏԱՐԱԴՐԱՄԻ ՓՈԽԱՆԱԿԱՆ ԿՈՒՐՍԸ (11 ապրիլի)

Ազգային բանկի կողմից սահմանվել է տարադրամի հետեւյալ կուրսը.

| Տարադրամ    | Լարի   |
|-------------|--------|
| 1 ԱՄՆ ԴՈԼԱՐ | 2.6729 |
| 1 ԵՎՐՈ      | 2.9038 |
| 100 ՌՈՒՐԼԻ  | 2.8667 |
| 1000 ԴՐԱՄ   | 6.8624 |

ՍՈՑԻԱԼԱԿԱՆ

ՆԵՐԿՐՎՈՂ ԲԵՆԶԻՆԻ 1 ԼԻՏՐԻ ԱՐԺԵՔԸ ԹԱՆԿԱՅԵԼ Է 50 ԹԵԹՐԻՈՎ, ՄՊԱՌՈՂԱԿԱՆ ԳԻՆԸ ԿԱՎԵԼԱՆԱ

Վրաստանի ներկրվող բենզինի 1 լիտրի գինը ավելացել է 50 թեթրիով: Ինչպես նշեց «Սենտա Օյլի» հիմնադիր Զաալ Իակոբիձեն՝ Ռուսաստանի կառավարության՝ մարտի 1-ից վառելանյութի արտահանման վեցամսյա արգելքի մասին որոշումը, վառելանյութի միջազգային շուկայում համընկավ վառելանյութի գնի ավելացմանը:

Նրա խոսքով, թանկացած վառելանյութի ներկրումը իրեն զգացնել կտա առաջիկա շաբաթում: Չի բացառվում, որ սպառողական շուկայում վերոնշյալ 50 թեթրին կավելանա եւս 10-15 թեթրի: Ինչ վերաբերում է այլընտրանքային շուկային,

ապա, Զաալ Իակոբիձեի պարզաբանմամբ, ներկա դրությամբ, վառելանյութի ներկրման գլխավոր երկիրը Բուլղարիան է: - Նրանից հետո, երբ Ռուսաստանը արգելեց վառելանյութի արտահանումը, սպառողական շուկայում ավե-

լացվեց գնաճ: Ռուսաստանի վերոնշյալ որոշումից հետո՝ վառելանյութի գինը ավելացավ առնվազն 150 դոլարով, ինչը, 1 լիտրի հաշվով, կազմում է 50 թեթրիի գնաճ: Տեղական շուկայում ավելացված գնով վառելանյութի վաճառքի գինը առնվազն կավելանա 10-15 թեթրիով, - հայտարարեց Զաալ Իակոբիձեն եւ հավելեց, որ սպառողական գների համեմատաբար ցածր մակարդակի պահպանումը պայմանավորված է միայն այլընտրական շուկաների ձեւավորմամբ:

ՈՐՔԱՆ Է ԿԱԶՄԵԼ ՎՐԱՍՏԱՆՈՒՄ ԱՌԱՋՆԱՅԻՆ ՄՊԱՌՄԱՆ 9 ՀԻՄՆԱԿԱՆ ՄՊՐԱՆՔՆԵՐԻ ԳՆԱՃԸ

Այն, որ Վրաստանում ներկրած մթերքների սպառողական գինն այդ ապրանքի ձեռքբերման գնից շատ ավելի բարձր է, ակնհայտ փաստ է:

«Բիզնեսպրեսնյուս»-ը փորձեց պարզել, թե քանի տոկոսով է ավելացվում Վրաստանում՝ օրենքով սահմանված առաջնային սպառման 9 հիմնական մթերքների (արեւածաղկի ձեթ, բրինձ, հնդկաձավար, մակարոնեղեն, ալյուր, լոբի, շաքար, հացահատիկ, կաթնեղեն) սպառողական գները: Ընթացիկ տարվա հունվար-փետրվարին՝ Վրաստան է ներկրվել 5,731 միլիոն դոլարի 5,726 տոննա արեւածաղկի ձեթ: Հաշվետու ժամանակահատվածում ներկրած ձեթի 1 լիտրի արժեքը կազմում էր 1 դոլար, թեպետ այն առեւտրական կետերում վաճառվում էր 3,5-ից մինչեւ 6 լարիի շրջանակներում: Այսինքն՝ արեւածաղկի սպառողական գինը ավելացվել է 31-124 տոկոսով: Նույն ժամանակահատվածում Վրաստան է ներկրվել 1,648 միլիոն դոլարի 2,258 տոննա բրինձ: Հաշվետու ժամանակահատվածում ներկրած 1 կգ բրնձի արժեքը կազմում էր 0,73 դոլար (1,95 լարի), թեպետ առեւտրական կետերում այն վաճառվում էր 9,7-ից մինչեւ 12,2 լարիով (ավելացում էր 397-526 տոկոս): Ինչ վերաբերում է հնդկաձավարին, ապա, ընթացիկ տարվա առաջին երկու ամիսներին, ներկրվել է 201 հազար դոլարի 389 տոննա հնդկաձավար, ինչը, 1 կիլոգրամի հաշվով, կազմում է 0,52 դոլար (1,4 լարի): Առեւտրական կետերում 1 կգ հնդկաձավարը վաճառվել է 4,9-ից մինչեւ 12,4 լարի՝ 1 կգ-ի դիմաց: Հետեւաբար, գնաճը կազմել է 250-786 տոկոս: Վերոնշյալ ժամանակահատվածում Վրաստան է ներկրվել 3,151 միլիոն դոլարի 2,954 տոննա մակարոնեղեն: Ներկրած ապրանքի 1 կիլոգրամի արժեքը կազմել է 1,6 դոլար (4,3 լարի), թեպետ առեւտրական կետերում 1 կիլոգրամ մակարոնեղենի գինն ավելացվել է 195 տոկոսով: 2024 թվականի հունվար-փետրվար ամիսներին՝ Վրաստան է ներկրվել 2,949 միլիոն դոլարի 11,750 տոննա ալյուր: Ներկրած ապ-

րանքի 1 կիլոգրամի արժեքը կազմել է 0,25 դոլար (0,67 լարի): Առեւտրական կետերում 1 կիլոգրամ ալյուրը վաճառվել է 2,25-ից մինչեւ 4,78 լարիով, այսինքն՝ գինը ավելացվել է 236-613 տոկոսով: Ինչ վերաբերում է լոբուն, ապա, հաշվետու ժամանակահատվածում, ներկրվել է 507 հազար դոլարի 1,088 տոննա լոբի: Ներկրած մթերքի 1 կիլոգրամի արժեքը կազմել է 0,47 դոլար (1,25 լարի), թեպետ վաճառվել է 5-ից մինչեւ 9 լարիի գումարով՝ գնաճը կազմել է 300-620 տոկոս: Հաշվետու ժամանակահատվածում՝ Վրաստան է ներկրվել 6,079 միլիոն դոլարի 7,548 տոննա շաքար: Ներկրած մթերքի 1 կիլոգրամի արժեքը կազմել է 0,81 դոլար (2,17 լարի): Առեւտրական կետերում շաքարի 1 կգ վաճառվել է 4-5 լարի գումարով՝ գնաճը կազմել է 84-130 տոկոս: Նույն ժամանակահատվածում՝ Վրաստան ներկրած 11894 միլիոն դոլարի 47,521 տոննա հացահատիկի 1 կգ-ի արժեքը կազ-



մել է 0,25 դոլար (0,67 լարի), թեպետ առեւտրական կետերում այն վաճառվել է 3,5-ից մինչեւ 6,15 լարի գումարով՝ գնաճը կազմել է 422-818 տոկոս: Ինչ վերաբերում է կաթնամթերքին, ապա, ընթացիկ տարվա առաջին երկու ամիսներին, Վրաստան է ներկրվել 3,541 միլիոն դոլարի 1,543 տոննա կաթի փոշի: Ներկրած մթերքի 1 կիլոգրամի արժեքը կազմել է 2,29 դոլար (6,14 լարի): Այն առեւտրական կետերում վաճառվել է 29-ից մինչեւ 36 լարի գումարով, հետեւաբար, գնաճը կազմել է 372-486 տոկոս: **Խորագիրը պատրաստեց ՅՈՒՐԻ ԽՈՐԵՆՅԱՆԸ**

ԴԻՐՔՈՐՈՇՈՒՄ

# «ԹԱՓԱՆՅԻՎՈՒԹՅԱՆ ՄԱՍԻՆ» ՕՐԵՆՔԻ ԸՆԴՈՒՆՈՒՄԸ ԱՌԱՎԵԼ ԲԱՆ ԱՐԴԱՐԱՅՎԱԾ Է

(Սկիզբը՝ 1-ին էջում)

թյուրիմացության մեջ գցել, պատճառաբանելով, իբր օրենքը ռուսական է եւ հակադրվում է եվրոպական արժեքներին: Այս տարի դա նրանց չի հաջողվի,- հայտարարեց Իրակլի Կոբախիձեն:

## «ՈՉ ԿԱՌԱՎԱՐԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈԾՈՒՆԵՈՒԹՅՈՒՆԸ ԹԱՓԱՆՑԻԿ ԶԷ»



Կառավարության միստում Իրակլի Կոբախիձեն հայտարարեց, որ ոչ կառավարական կազմակերպությունների գործունեությունը թափանցիկ չէ: Այն հայտնի չէ ո՛չ հասարակությանը եւ ո՛չ էլ հանրությանը: Չկա որեւէ տեղեկատվություն նրանց գործունեության եւ ֆինանսավորման աղբյուրների մասին:

- Տարածվել է թյուր տեղեկություն, իբր ոչ կառավարական կազմակերպությունների ֆինանսավորման վերաբերյալ տեղեկատվությունը մատչելի է կառավարության համապատասխան աստիճանների համար: Դա սուտ է,- ընդգծեց վարչապետը եւ հավելեց, որ կառավարությունը տեղեկատվություն է հավաքել 7 ոչ կառավարական կազմակերպությունների մասին, որոնք ռեսուրսների առումով հզոր են եւ իրենց գործունեությամբ՝ ծայրահեղական:

Տեղեկատվությունից պարզվեց, որ, սկսած 2012 թվականից, այդ կազմակերպությունները հայտագրել են իրենց ֆինանսների միայն 18 տոկոսը: Ներկայացրել են ողջ գումարն առանց մանրամասնելու, թե ինչի վրա են ծախսել: Բացարձակապես տեղեկացված չենք այդ գումարների թիրախայնությամբ եւ կոնկրետ դրանց ստացման աղբյուրների մասին,- նշեց Իրակլի Կոբախիձեն:

Նրա խոսքով, վերոնշյալ գումարի միայն 18 տոկոսի, այսինքն՝ 15 միլիոն 400 հազար լարիի մասին է տրվել հաշվետվություն, այնինչ ընդհանուր գումարը կազմել է 85 միլիոն 400 հազար լարի:

- Վստահությամբ կարող ենք ասել, որ ավելի քան 85 միլիոն լարիից առնվազն 70 միլիոն լարիի վերաբերյալ ոչ մի տեղեկատվություն չկա: Թե ինչի վրա է ծախսվել այդ գումարը, ոչ մի տեղեկություն չի հրապարակվել,- նշեց վարչապետը՝ հավելելով, որ ոչ կառավարականների ծախսերի մեծ մասն ընդհանրապես չի ներկայացված նաեւ ֆինանսների նախարարությունում:

## ԳԻՐՈՐԳԻ ՎՈԼՍԿԻ. «ՎՐԱՄԱՆՆ ԱՅՆ ԵՐԿԻՐԸ ԶԷ, ՈՐԻՆ ՀՆԱՐԱՎՈՐ Է ԾԱՂԵԼ»



Վրաստանի խորհրդարանի նախագահի առաջին տեղակալ Գիորգի Վոլսկին, անդրադառնալով թափանցիկության մասին օրենքին, հայտարարեց, որ ներկայիս իրավիճակը պարտադրում է, որպեսզի բոլորը՝ մեծամասնությունը, ընդդիմությունը ու ծայրահեղ ընդդիմությունը հաշվետու լինեն ժողովրդի առջեւ:

- Վրաստանն այն երկիրը չէ, որին հնարավոր է ծաղրել եւ կամ կարգադրել, որ անելու է այս կամ այն: Առավել եւս, եվրատլանտյան ինտեգրման գործընթացում մեր դիրքորոշումը պարտադրում է, որպեսզի մենք պաշտպանենք մեր եւ, ամենակարեւորը, մեր ժողովրդի արժանապատվությունն այն հարձակումներից, որոնք այսօր իրականացնում են քաղաքական առանձին խմբեր,- հայտարարեց Գիորգի Վոլսկին:

## ՍՈՋԱՐ ՍՈՒԲԱՐԻ. «ԱՆՀՆԱՐ Է, ՈՐ ԱՅՆ, ԻՆՉԸ ԼԱՎ Է ԱՍԵՐԻԿՅԱՆ ԺՈՂՈՎՐԴԱՎԱՐՈՒԹՅԱՆ ՀԱՄԱՐ, ՎԱՏ ԼԻՆԻ ՎՐԱՄԱՆԻ ՀԱՄԱՐ»

Վրաստանի խորհրդարանի պատգամավոր, «Ժողովրդի ուժ» կուսակցության նախագահ Սոգար Սուբարին հայտարարեց, որ անհնար է, որ այն, ինչը լավ է ամերիկյան



յան ժողովրդավարության եւ անվտանգության համար, բացասական հետեւանքներ ունենա Վրաստանի համար:

Պատգամավորը հուսով է, որ Վրաստանում ՄԱԿ-ի ներկայացուցչությունը Վրաստանը չի դիտում՝ որպես երկրորդ կարգի երկիր, որտեղ կիրառելի է ԱՄՆ-ից կամ Կանադայից տարբերվող չափորոշիչ:

- Ես մեծ խնդրանք եւ խորհուրդ ունեմ ՄԱԿ-ի ներկայացուցչին. մի շահարկեք շահառուների անունից,- ասաց Սոգար Սուբարին:

## ՄԱՄՈՒԿԱ ՄԴԻՆԱՐԱԶԵ. «ՎՐԱՄԱՆՆ ԿԴԱՌՆԱ ԵՎՐՈՊԱԿԱՆ ԸՆՏԱՆԻՔԻ ԱՆՂԱՄ, ՍԱԿԱՅՆ ՈՉ ԱՋԳԱՅԻՆ ԻՆՔՆՈՒԹՅՈՒՆԸ ԿՈՐՑՆԵԼՈՒ ՀԱՇՎԻՆ»

Վրաստանի խորհրդարանական մեծամասնության ղեկավար Մամուկա Մդինարաձեի հայտարարությամբ՝ այլեւս չեն կարող ժողովրդին խաբել եւ ոչինչ չի կարող խանգարել ճշմարտությանը, հատկապես, երբ այս ճշմարտությունն ունի ժողովրդի աջակցությունը:

«Մենք սահմանադրությամբ որոշել ենք երկրի ուղին ու հաստատ գիտենք, որ Վրաստանն անպայման դառնալու է եվրոպական ընտանիքի լիիրավ անդամ, բայց ոչ մի դեպքում ազգային ինքնահարգանքը խաթարելու, ազգային ինքնությունը կորցնելու, անթափանցիկության եւ «սեւ փողերով» երկրի կառավարմանը միջամտելու հաշվին. Վրաստանն այլեւս երբեք դա թույլ չի տա», - գրել է Մամուկա Մդինարաձեն:



## ԱՆՐԻ ՕԽԱՆԱՇՎԻԼԻ. «ԸՆԴՈՒՄԱԴՐԻ ԽՄԲԵՐԸ ԵՎ ՈՉ ԿԱՌԱՎԱՐԱԿԱՆ ԿԱԶՄԱԿԵՐՊՈՒԹՅՈՒՆՆԵՐԸ ՄՐՑՈՒՄ ԵՆ ՍԵՎ ՓՈՂԵՐԻ ՀԱՄԱՐ»



Խորհրդարանի իրավաբանական հարցերի կոմիտեի նախագահ Անրի Օխանաշվիլու գնահատմամբ, այն արձագանքը, որով հանդես եկավ ընդդիմությունը, հաստատում է «սեւ փողերի համար» նրանց կռիվը: Խորհրդարանականի խոսքով, դա ծայրահեղական ընդդիմադիր խմբերի եւ հարուստ ոչ կառավարական կազմակերպությունների համատեղ ծրագիրն է:

Նրանք գործում են նպատակամղված եւ համաձայնեցված, կռվում են «սեւ փողերի համար» եւ այս արձագանքը խոսքերիս հավաստումն է: Այլ բացատրություն չկա: Դա մեզ համար անսպասելի չէր, քանի որ շատ են այն դեպքերը, երբ մամուլը նախ փորձում են կեղծել խորհրդարանական ընտրությունների արդյունքները, եւ ապա՝ անընդունելի համարում դրանք: Դա միասնական ծրագիր է եւ, վերջին հաշվով, մղվում է հանուն է «սեւ փողերի»:

## «ՀԱՅՐԵՆԻՔԸ ԶԻ ՎԱՃԱՌՎՈՒՄ»

«Հայրենիքը չի վաճառվում» թիւլիսից հետո նման բովանդակությամբ պաստառներ հայտնվեցին Վրաստանի տարածաշրջաններում: Պաստառներին ներկայացված են այն ոչ կառավարական կազմակերպությունների ղեկավարների պատկերները, ովքեր հանդես են գալիս «Թափանցիկության մասին» օրենքի դեմ: Պաստառների վրա պատկերվածների թվում են Գիորգի Մշվենի-երիձեն, Էկա Գիգաուրին, Բաիա Պատարաիան, Նինո Լոնջարիան, Նիկա Գվարամիան:



ՍԻՄՈՆ ԿԻԼԱԶԵ

ԿԱՌԱՎԱՐՈՒԹՅԱՆ ՆԻՍՏ

# ՎԱՐՉԱՊԵՏԻ ՈՐՈՇՈՒՄԸ ՖԻԶԻԿԱԿԱՆ ԱՆՁԱՆՅ ՀԱՐԿԱՅԻՆ ՊԱՐՏՔԵՐԻ ԵՎ ԿՈՒՏԱԿԱԾ ՏՈՒՓԱՆՔՆԵՐԻ ԶԵՂԱՐԿՄԱՆ, ԹԲԻԼԻՍԻ ՆՈՐ ՕԴԱՆԱՎԱԿԱՅԱՆԻ ՇԻՆԱՐԱՐՈՒԹՅԱՆ ՄԱՍԻՆ

(Սկիզբը՝ 1-ին էջում)

Միստ, որտեղ ընդունեցինք մեր մեզանախագծի իրականացման կարելորագույն որոշում: Մասնավորապես, թբիլիսիում կկառուցվի մեր միջազգային օդանավակայան: Այսօրվա օդանավակայանի կարողությունը մոտավորապես 4-4.5 միլիոն ուղևոր է: Գիտեք, որ զբոսաշրջության ոլորտում ունենք դրական դինամիկա: Ապագայում նույնպես սպասվում է այցելուների արագ ու հետեւողական աճ, ինչին ենթակառուցվածքը պետք է աջակցի,- ասաց Իրակլի Կոբախիձեն եւ հավելեց, որ կառավարությունը դիտարկել է նախագծի երկու տարբերակ:

- Մեկը՝ նշանակում էր հին օդանավակայանի ընդլայնում, մյուսը՝ Վազիանի մոտ օդանավակայանի կառուցում: Ընդլայնման արժեքը կազմել է մոտ 900 միլիոն դոլար: Նորի կառուցման գինը մոտավորապես մեկ միլիարդ 260 միլիոն դոլար է: Ընդլայնումը թույլ տվեց մեզ՝ ուղևորահոսքը հասցնել առավելագույնը մինչեւ 15 միլիոն ուղևորի եւ հետագա զարգացման հեռանկար չկար: Ինչ վե-

րաբերում է մեր կառուցմանը, ապա, մեր կառուցումը մեզ հնարավորություն է տալիս ուղևորների թիվը հասցնել 19 միլիոնի՝ հետագա ընդլայնման հեռանկարով,- նշեց վարչապետը՝ հավելելով, որ մեր օդանավակայանը լիովին կհամապատասխանի ամենաբարձր ժամանակակից չափանիշներին:

- Ամեն ինչ հաշվի առնելով, այդ թվում մի շարք գործոններ, որոշում կայացրինք մեր օդանավակայանի կառուցման վերաբերյալ: Նախագծման եւ մրցութային ընթացակարգերը կավարտվեն հաջորդ տարի, իսկ դրանից մի քանի տարի անց՝ երկիրը կունենա բոլորովին մեր, գերժամանակակից օդանավակայան: Այս որոշումը շատ լուրջ տնտեսական ազդեցություն կունենա: Մեր հաշվարկներով տնտեսական աճը կավելանա 0,2 տոկոսային կետով, ինչը նշանակում է, որ հաջորդ տարիների ընթացքում Վրաստանի տնտեսությանը կավելանա միջինը 350 մլն լարի: Ցանկանում են շնորհակալություն հայտնել էկոնոմիկայի նախարարությանը այս նախագիծը պատրաստելու համար: Այժմ ամենակարեւորը առաջ շարժվելն է՝ եւ

մեր քաղաքին, եւ մեր երկրին մեր գերժամանակակից օդանավակայանով ապահովելը,- ընդգծեց Իրակլի Կոբախիձեն:

## ՀԱՐԿԱՅԻՆ ՀԱՄԱՆԵՐՈՒՄ ՖԻԶԻԿԱԿԱՆ ԱՆՁԱՆՑ

Կառավարության միստում, Վրաստանի վարչապետ Իրակլի Կոբախիձեն խոսեց գործադիր իշխանության մեր նախաձեռնության մասին, ըստ որի՝ բոլոր ֆիզիկական անձանց, այդ թվում՝ անհատ ձեռնարկատերերի համար՝ մինչեւ 2021 թվականի հունվար գոյացած եւ չվճարված հարկային պարտքերը կմարվեն, ներառյալ կուտակված տուգանքները:

Ինչպես նշեց Իրակլի Կոբախիձեն, օրինագծի ընդունումից հետո, 145 հազար ֆիզիկական անձի 590 մլն լարիի չափով հարկային պարտքն ամբողջությամբ կմարվի:

- Տնտեսական խորհրդում մենք կարելու որոշում ենք կայացրել՝ ֆիզիկական անձանց հարկային համաճարման վերաբերյալ: Գործը վերաբերում է ֆիզիկական անձանց հարկային պարտքերի մարմանը: Վրաստանում բավական մեծ

թվով ֆիզիկական անձինք կան, որոնք կուտակել են հարկային պարտքեր, եւ այդ պատճառով նրանք զրկված են տնտեսական գործունեություն իրականացնելու հնարավորությունից, ուստի, մենք որոշեցինք մարել համապատասխան պարտքերը, մասնավորապես բոլոր ֆիզիկական անձանց, ներառյալ անհատ ձեռնարկատերերի: Ամբողջությամբ կմարվեն մինչեւ 2021 թվականի հունվարի 1-ը գոյացած պարտքերը եւ չվճարված հարկային պարտքերը, ներառյալ դրանց վրա գոյացած հարկերը:

Այս օրենքի նախագիծն ընդունելուն պես՝ 145000 ֆիզիկական անձի 590 միլիոն լարիի հարկային պարտքն ամբողջությամբ դուրս կգա: Ըստ այդմ՝ մեր 145 հազար համաքաղաքացիներ հնարավորություն կունենան ակտիվորեն մասնակցել մեր տնտեսական կյանքին, ինչը կօգնի նաեւ տնտեսության զարգացմանը: Կրկին շնորհակալ ենք ֆինանսների նախարարին՝ այս որոշումը նախապատրաստելու համար,- ասաց Իրակլի Կոբախիձեն: